

T5309/0130 (3)

3



南齊書卷之七

南齊書卷之七

其月日皇帝曰

元德以優于下惟

元德以優于下惟

元德以優于下惟

元德以優于下惟

元德以優于下惟

元德以優于下惟

京本校正音釋唐柳先生集卷之七

碑銘

南嶽雲峯寺和尚碑

乾元元年

戊戌歲

某月日皇帝曰

肅宗

予欲俾慈仁怡愉洽于生人

惟淨圖道允迪乃命五嶽求厥元德以儀于下惟茲嶽上于尚
書其首曰雲峯大師法證凡莅事五十年貞元十七年乃沒其
徒曰詮曰遠曰振曰巽曰素凡三千餘人其長老咸來言曰吾
師執行峻特執屋洧切法也器宇弘大有來受律者吾師示之以尊嚴
整齊明列義類而人知其所不為有來求道者吾師示之以高
廣通達一其空有而人知其所必至元臣碩老稽首受教髻童

哈佛大學漢和
圖書館珍藏印

發齒

髻音迨童子垂髮

踊躍執役故從吾師之命而度者凡五萬人吾

師冬不煨裘

煨乙六切又感遇切

飢不豐食每歲會其類讀群經俾聖言

畢出有以見其大又率其件

音午偶也

伐木輦上作佛塔廟洎經典

俾像法益廣有以見其用將沒告門人曰吾自始學至去世未

嘗有作焉然後知其動無不虛靜無不為生而未始來歿而未

始往也

二而字下或有知字

其道備矣願刻山石知教之所以大其詞曰

師之教尊嚴有維恭天子之詔維大中以告後學是効師之德

簡峻淵默柔惠以直渙焉而不積同焉而皆得茲道惟則師之

功勤勞以庸維與必通以興祠宮邀邇攸從師之族由號而

郭

周武王封號叔於西號平王東遷奪其地與鄭武公求號叔之裔孫序封於其勝號曰號父

世德有奕從

佛子釋師之壽七十有八惟終始罔缺不冒遺刻厥徒蒸蒸維

大教是膺維憲言是徵溥溥恢弘如川之增如雲之興如嶽之

不崩終古其承之

南嶽雲峯和尚塔銘

雲峯和尚族郭氏號法證為竺乾道五十有七年年七十有八

貞元十七年九月十七日終十月二十七日葬凡度學者五萬

人為弟子者三千人色厲而仁行峻而周道廣而不尤功高而

不有毅然居山之北峯以為儀表世之所謂賢人大臣者至南

方咸所嚴事由其內者聞大師之言律義莫不震動悼懼如聽

誓命由其外者聞大師之稱道要莫不悽歎欣踴音希如獲肆

有故時推人師則專其首詔求教宗則冠其位披山伐木崇構
法宇則地得其勝捐衣去食廣閱群經則理得其深其道實勤
而其心無求自大師化去教亦隨喪嗚呼大師之葬門人慕號
長老愁痛遂相與以為茲塔巖石峻整植木翁茂翁鳥孔切凡木盛兒
衡山無與為比者然而未有能紀其事余既與大乘師重巽遊
巽其徒也亟為余言亟為並去聲故為其銘銘曰

苞元極兮韜大方威而仁兮幽以光行峻潔兮貌齋莊峻一本作浚
氣混溟兮德洋洋演大律兮離毫芒度群有兮耀柔剛棟宇立
兮像法彰文字闡兮聖言揚詔褒列兮宅南方道之廣兮用其
常後是式兮宜久長閱靈室兮記崇岡即玄石兮垂文章學者

慕兮哀無疆

南嶽般舟和尚第二碑

佛法至于衡山及津大師始修起律教由其壇場而出者為得
正法其大弟子曰日悟和尚盡得師之道次補其處為浮圖者
宗世家于零陵蔣姓也和尚心大而行密體卑而道尊以為由
定發惠必用毗尼為之宰宰潘云毗類賄切律也傳灯錄云律師略毗尼之法遂執業

於東林恩大師究觀祕義乃歸傳教不視文字懸判深微登壇

莅事度比丘眾潘云比丘音鼻梵語云比丘如秦云乞士謂上於諸佛乞法資益惠命下於施主乞食資益色声

凡歲千人者三十有七而道不恩以為去凡即聖必以三昧為
之軌道遂服勤於紫霄遠大師修明要奧得以觀佛浩入性海

洞開真源道場專精長跪右遶不倚石碑本洞作廓无長跪及不倚字凡

七日者百有二十而志不衰初開元中詔定制度師乃居本郡

龍興寺肅宗制天下名山置大德七人茲嶽尤重推擇居首師

乃即崇嶺是作精室闢林莽碑本闕作斬刻巖亦殿舍宏大廊廡脩

直廡音武不命而獻力不祈而薦貨凡南方人願念佛三昧者必

由於是命曰般舟臺焉潘云般如字大藏有般舟三昧經云一

經行不得休息不得坐三月速得是三昧今釋氏有依此教修行者和尚生十三年而始出家又

九年而受具戒又十年而處壇場石本處作居又三十七年而當貞

元二十年正月十七日化于茲室嗚呼無得而修故念為實相

不取於法故律為大乘壞衣不飾揣食不味揣徒官切聚兒覆薦服後

凡出於生物者擯而勿用不自知其慈攝取調御凡歸於正真者動而成群不自知其教萬行方厲一性恒如寂用之涯不可得也有弟子曰景秀嗣居法會欲廣其師之德延于罔極故申

明陳辭俾刊之茲碑銘曰
像教南被及津而尊威儀有嚴載闢其門吾師是嗣增濬道源

度衆逾廣大明群昏乃興毗尼微密是論八萬摠結彰于一言

聲聞熙熙遐邇來奔如木旣拔有植其根乃法般舟奧妙斯存

百億冥會觀于化元同道祁祁盛兒功庸以敦如水斯壅流之無

垠音銀岸也帝求人師登我先覺赫矣明命表茲靈嶽于彼南阜齋

宮爰作負揭致貨時靡要約要平声潘云揭音竭又音揭又當懋並牽也袒奮程力

不呼而諾是刈是鑿既塗既斲層構孔碩以延後學出不牛馬
服不絮帛匪安其躬亦菲其食勤而不勞在用恒寂縱而不傲
在捨恒得洪融混合孰究其跡懿茲遺光式是嘉則容貌往矣
軌儀無極其徒追思膺薦茲石

大明和尚碑

儒以禮立仁義無之則壞佛以律持定慧去之則喪是故離禮
於仁義者不可與言儒異律於定慧者不可與言佛達是道者
惟大明師師姓歐陽氏號曰惠開唐開元二十一年始生天寶
十一載始為浮圖大曆十一年始登壇為大律師貞元十二年
十一月十一日卒元和九年正月其弟子懷信道高尼無染等

命高道僧靈嶼為行狀列其行事願刊之茲碑宗元今掇其大

者言曰師先因官世家潭州為大姓有勲烈爵位今不言大浮

圖也

不序其宦族所以
尊大浮圖之道

凡浮圖之道衰其徒必小律而去經大

明恐焉於是從峻洎侃以究戒律而大法以立又從秀洎昱以

通經教而奧義以修由是二道出入隱顯後學以不惑來求以

有得廣德二年始立大明寺于衡山詔選居寺僧二十一人師

為之首乾元元年

一本作某年蓋乾元在廣德前恐誤

又命衡山立毗尼藏詔選

講律僧七人師應其數凡其衣服器用動有師法言語行止皆

為物執執巾區

童云移之私爾二切左傳奉區沃盥

奉杖履為侍者數百剪髮髦

被教戒為學者數萬得眾若獨居尊若卑晦而光介而大灑灑

馬張云灝音浩義同無以加也其塔在祝融峯西趾下碑在塔東其辭

曰

儒以禮行覺以律與一歸真源無大小乘大明之律是定是慧
不窮經教為法出世化人無疆垂裕無際詔尊碩德威儀有繼
道徧大洲徽音勿替祝融西麓童云音鹿山足曰麓洞庭南裔金石刻辭
弥億千歲

碑陰

凡葬大浮圖無窳窳樞綸切穿也其用於碑不宜然昔之公室禮得
用碑以葬其後子孫因宜不去遂銘德行用圖又於世及秦刻
山石號其功德亦謂之碑而其用遂行然則雖浮圖亦宜也凡

葬大浮圖其徒廣則能為碑晉宋尚法故為碑者多法梁尚禪
故碑多禪法不周施禪不大行而律存焉故近世碑多律凡葬
大浮圖未嘗有比丘尼主碑事今惟無染實來涕淚以求其志
益堅又能言其師他德充備故書之碑陰師凡主戒事二十二
年宰相齊公映李公泌趙公憬尚書曹王臯裴公胄侍郎令狐
公岷或師或友齊親執經受大義為弟子又言師始為童時夢
大人編冠素鳥編音皁白色鳥音昔獲也來告曰居南嶽大吾道者必爾也
已而信然將終夜有光明笙磬之音眾咸見聞若是類甚眾以
儒者所不道而無染勤以為請故末傳焉無染韋氏女世顯貴
今主衡山戒法

衡山中院大律師塔銘

衡山中院大律師曰希操沒年五十七既沒二十七年其大弟子誠盈奉公之遺事願銘塔石公曾姓曾子感切凡去儒為釋者三十一祀掌律度衆者二十六會南尼戒法壞而復正由公而大興衡岳佛寺毀而再成由公而不變故當世之士若李丞相泌道未嘗屈覩公而稽首尊之不名出世之士若石廩公瓚公衡山有石廩峯瓚僧名也號懶殘言未嘗形遇公而歎息推以護法是以建功之始則震雷大風示其地兆滅跡之際則隕星黑授告其期浸音氣斯為神怪不可度已故其與物大同終始無爭受學之衆他莫能偕也凡所受教若華嚴照公蘭若真公潘云若面也切官賜額者為寺私造

者為招提蘭若荆州至公律公皆大士凡所授教若惟環道郢靈幹惟

正惠常誠盈皆聞人嗚呼始終哉為之銘曰

首有承兮卒有傳華大訛兮持法權衆之至兮志益虔雷發地兮幼已宣星告妖兮壽不延靈變化兮迎大仙龍茲石兮垂萬年世有壞兮德無遷

京本校正音釋唐柳先生集卷之七

京本校正音釋唐柳先生集卷之八

行狀

段太尉逸事狀

段秀實

大尉始為涇州刺史時

大曆十二年

汾陽王以副元帥居蒲

郭子儀治河中

即蒲州

王子晞

音希汾陽王之

為尚書領行營節度使寓軍邠州

邠州反

縱士卒無賴頽人偷嗜暴惡者卒以貨竄名軍伍中

卒一本作率竄取亂

切則肆志吏不得問日群行丐取於市不嗛

張云音歎不滿也

輒奮擊

折人手足椎釜鬲甕盎盈道上

童云甬音歷昂屬盎於浪切瓦盆屬

把臂徐去

把

作祖至撞殺孕婦人

撞傳

邠寧節度使白孝德以王故

邠寧節度使姓白名

德戚不敢言太尉自州以狀白府願計事至則曰天子以生人

分公理一作付公見人被暴害因怙然且大亂若何孝德曰

願奉教太尉曰其為涇州甚適小事今不忍人無寇暴死以亂

天子邊事公誠以都虞候命其者能為公已亂為去志已止也使公之

人不得害孝德曰幸甚如太尉請既署一月晞軍士十七人入

市取酒又以刃刺酒翁壞釀器壞音怪釀女亮切酒留溝中留一作流太尉

列卒取七十人皆斷頭注渠上童云音湖長矛也植市門外晞一營大

譟盡甲孝德震恐召太尉曰將柰何太尉曰無傷也請辭於軍

孝德使數十人從太尉太尉盡辭去解佩刃選老嫗者一人張

壁蕭結切又俾亦切不能行持馬至晞門下甲者出太尉笑且入曰殺一老

卒何甲也吾戴吾頭來矣甲者愕因諭曰尚書固負若屬耶副

元帥固負若屬耶奈何欲以亂敗郭氏為白尚書出聽我言晞

出見太尉太尉曰副元帥勲塞天地當務始終今尚書恣卒為

暴暴且亂亂天子邊欲誰歸罪罪且及副元帥今邠人惡子弟

以貨竄名軍籍中殺害人如是不止幾日不大亂大亂由尚書

出人皆曰尚書倚副元帥不戢士然則郭氏功名其與存者幾

何言未畢晞再拜曰公幸教晞以道恩甚大願奉軍以從願叱

左右曰皆解甲散還火伍中敢譁者死太尉曰吾未晡食張云音通

晚食請假設草具既食曰吾疾作願留宿門下命持馬者去旦日

來還臥軍中晞不解衣戒候卒擊柝衛太尉且俱至孝德所謝

不能請改過邠州由是無禍先是太尉在涇州為營田官涇大

將焦令謚

童云氏壬切信也

取人田自占數十頃給與農曰且熟歸我

半是歲大旱野無草農以告謚曰我知入數而已不知旱也

督責益急且飢死無以償即告太尉太尉判狀辭甚巽使人求

諭謚盛怒召農者曰我畏段某耶何敢言我取判鋪背上以

大杖擊二十垂死輿來庭中太尉大泣曰乃我困汝即自取水

洗去立裂裳衣瘡

衣於既切

手注善藥旦夕自哺農者

童云哺音通啜也

然

後食取騎馬賣市穀代償使勿知淮西寓軍帥尹少榮剛直士

也入見謚大罵曰汝誠人耶涇州野如赭

音者赤土

人且飢死而必

得穀又用大杖擊無罪者段公仁信大人也而汝不知敬今段

公唯一馬賤賣市穀入汝汝又取不恥凡為人傲天災犯大人

擊無罪者又取仁者穀使主人出無馬汝將何以視天地尚不

愧奴隸耶

隸即計切

雖暴抗然聞言則大愧流汗不能食曰吾終

不可以見設公一夕自恨死及太尉自涇州以司農徵戒其族

過岐朱泚

童云此禮切

幸致貨幣慎勿納及過泚固致大綾三百定

太尉壻韋晤堅拒不得命至都太尉怒曰果不用吾言晤謝曰

處賤無以拒也太尉曰然終不以在吾第以如司農治事堂樓

之梁木上泚及太尉終吏以告泚泚取視其故封識具存

識音志

太尉逸事如右

元和九年月日永州司馬負外置同正負柳宗元謹上史官今

之補太尉太節者出入以為武人一時奮不慮死以取名天下

不知太尉之所立如是宗元嘗出入岐周邠蔡間童云蔡后稷所封有邠

過其定北上馬嶺歷亭鄣堡戍鄣之向切竊好問老校退卒能言其

事太尉為人灼灼火羽切常佞首拱手行步行一作促言氣卑弱未嘗

以色待物人視之儒者也遇不可必達其志决非偶然者會州

刺史崔公來言信行直備得太尉遺事覆校無疑或恐尚逸墜

未集大史氏敢以狀私於執事謹狀

故銀青光祿大夫右散騎常侍輕車都尉宜城縣開國伯柳公行狀柳渾

曾祖善才皇荆王侍讀

祖尚素皇潤州曲阿縣令

父慶休皇渤海郡縣丞贈秦州刺史工部尚書

汝州梁縣梁城鄉思義里柳渾年七十四狀

公字惟深一字夷曠其先河東人晉末嘉年有濟南太守卓者柳純乾

去其土代仕江左代一本一作往公實後之柳氏自黃帝后稷降于周

魯以字命族因地受氏載在左氏內外傳去声魯孝公子伯展長係無駭賜姓展氏

无駭生禽字季為魯土師食邑柳下謚曰惠固以柳為氏及太

史公書自卓至公十有一代為士林盛族著于南朝歷代史及

柳氏家牒惟公質貌魁傑度量宏大弘和博達而遇節必立恢

曠放弛而應機能斷其居室奉養撫字之誠儀于宗戚而內

行著焉其莅政柔仁端直之德洽于府寺而外美彰焉凡為

略章句之煩亂採撫與肯撫之石切拾也以知道為宗凡為文去藻飾

之華靡注洋自肆以適已為用自始學至于大成耽嗜文藉經

含注意鑽礪鑽祖官切倦不知游息威不待復楚復古雅切傳言經旨經

雅夙有聞知年十餘歲有稱神巫來告曰若相法當天且賤上天

汝也幸而為釋可以緩而死耳位祿非若事也公諸父素加撫

愛尤所信異遽命奪去其業從厚之言也一本無之字公不可且曰

夫性命之理聖人所穿言措紳者所不道巫何為而能盡之也

且令從之而生去聖人之教而為異術不若速死之愈也於是

為學其篤其在童幼固不惑於怪譎矣童云譎舌穴切說文權詐也開元中

舉汝州進士計偕百數公為之冠音貫後同禮部侍郎韋陟異而目

之一舉上第調受宋州單父尉調去声父上声操斷舉措通乎細大絜

廉檢守形於造次加雲騎尉秩蒲江南西道連帥聞其名辟至

公府帥所類切辟音壁謂為江西採訪皇甫先判官以信州都邑人惟凶害雅鄰知切遭也靡

弊殘耗假守永豐令公於是用重典以威姦暴童云重直隴切周禮刑亂國用

重鋪大和以惠鰥寡陵切毆除物害毆即字消去人隱吏無招權

乾沒之患政無犯令无茸之蠹張曰无茸亂貌无音蒙一音莫江切茸如容切蠹音茹宰

制聽斷漸於訟息耕夫復於封壇商旅交於闕市既庶而富廉

恥興焉既富而教庠塾列焉塾音孰門內之學里閭大變克有能稱遂

表為洪州豐城令到職如未豐之政而仁厚加焉授衢州司馬

夫器宏者恥効以圭撮之任撮蒼括切量容六十為撮四圭為撮足逸者難局

以尋常之地公遂滅迹藏用遁隱于武寧山群公文書諸侯走
弊皆謝絕不就方將究賢人之業窮君子之儒味道腴以代膏
梁含德輝而輕紱冕遺榮養素恬淡如也朝右籍甚有聲徵拜
御史公曰君命也安敢逃乎即日裝束上道公常好大體不爲
細家之迫速一本作束非其志也以疾亂授右補闕不隱忠以固位
不形直以奸名童云奸音干有本誤作奸非也除殿中侍御史賜緋魚袋赴江
西與租庸使議復權鐵權音角及常平倉便宜制置得以專任和
鈞關石之緒出納平準之宜國利人逸得其要道遷侍御史充
江南西路都團練判官時屬友郡不知連帥之職公請出巡盡
征之地大詰姦謬所至風動其有非常之政裕于人者必舉其

誅績歸之使府又以文乎勤歌詠之俾其風誣頌聲聞于他
部達于京師而後已改禮部貪外郎轉司勳郎中餘如故就拜
袁州刺史公於是酌古良牧之政宜于今者宗而奉之考諸理
國之說稱于人者承而守之均利器用以致其富昭明物則以
教之禮示優裕之德以周惠利緩九賦推廣厚之心以固和慈
保萬人明其制量臨長群吏示之法禁考中備敗無不得其極
理行高第朝廷休之召拜諫議大夫充浙江東西道黜陟使將
舉其能政端于外邦也公則修虞書之考績舉漢代之課第處
事詳諦無依違故縱之敗奉法端審無隱忌峭刻之文峭音切時
分部所係於公尤重凌江並海童云上浦良切近也列子並歌並進又音並上聲竟吳

越之域皆所莅焉復命稱職加朝散大夫又拜左庶子集賢殿
學士奉翊儲后修其宮政統理文籍紀于祕府拜尚書左丞直
而多容簡而有制去苛削之文而吏皆率法務弘大之道而政
不失中加銀青光祿大夫遷右散騎常侍涇卒之亂公以變起
卒遽卒即盡室奔匿于終南山賊徒訪公所在追以相印既及
公而問焉公變名氏以給之張云工南呼損家屬以委之賊遂
執公愛子榜箠訊問張云榜此孟切答也張折其右肱而公不
之顧即步入窮谷披草徑踰秦嶺由褒駱朝于行宮上嘉其誠
節不時召見公頓首流涕累陳計畫賊平策勳策即賜輕車都
尉封宜城縣開國伯拜尚書兵部侍郎初公名載字元輿至是

奏請改命以滌偽署之汙是歲盜據淮濟

佳西節度方議討

宰相以大理評事李元平者有名以為才堪擢授拜為汝州群

臣望聲徇利者皆曰德舉公獨慷慨

工口朗切言於朝曰是夫

喋喋銜玉而賈石者也

喋音喋多言銜

王衍設天下殷浩敗中

軍華而不實異代同德往且見獲何殺之攘時人不之信也未

幾盜襲汝州以元平歸凡百莫不嗟服焉俄以本官同中書門

下平章事登翊聖皇匡弼大政造膝盡規諫之志當事無矜大

之容接下情于上以酌天心順嘉謩于外用彰君德故致績用

茂著而人罕知之然其章布於外敷聞在下者十一二焉貞元

初上以旬服長人天下理本於是親擇即吏分宰於京師外部

未幾而人誣大和擊壤之頌歸於帝力上召丞相告之左僕射
平章事張延賞并蹈稱慶公俯伏不賀且曰旬服之政固宜慎
重然則此屑屑者特京兆尹之職耳陛下當擇臣輩以輔聖德
臣當選京兆以承大化京兆當求令長以親細事夫然後宜捨
此而致理可謂愛人矣然非王政之大倫也不知所賀上深然
之漢惠悅曹參之言絳侯慙曲逆之對曲逆音去遇一音皆如
名周勒所封謂對考之前志我無負焉既而西戎乘間入邑詐
決徵錢穀之問侍中北平王燧燧馬建議許之自公卿
以下莫有異慮公獨陳謀獻畫言戎之詐固不可許竟留中不
下而前議遂行於是冊命上將去声下渾城莅盟諸戎戎果縱

兵逼好大毆掠而去上召對前殿嘉歎者久之時諫臣有廷爭
陷於訕上者上未之善也公從容候間陳古以諷所以示寬裕
之德招讜正之言詞旨切直意氣勤懇動合聖慕卒見納用無
何工人有以理乘輿服器得罪于左右者唐傳云王工作帶誤
之有司以盜易御物請論如法制初可之公不奉詔因抗疏曰
跡其罪狀未甚指明方春殺人恐傷和氣上覽之大悅即原其
罪刑官慎恤之事正於邦典聖君含育之德彰于天下論者難
之時上相與光祿卿裴腆不協候公休沐以御酒或闕陰請貶
之制命既行公堅執不下請訊支計之吏校其供入之實原本
定罪窮理辯刑而腆竟獲宥克復本職白志貞有羈勒之勤音勒

的馬獻利屢中利一作謀上嘉其功效特寵異之方議大用公以為

骨徒雜類骨俗作胥出自微賤負乘致寇盜之招也累疏以聞而上

公竭誠盡忠憂勞庶務有毫忘之疾老音胃懇迫陳讓除右散

騎常侍罷知政事貞元五年二月五日薨于昌化里終於散地

故褒贈不及惟公致君之志孜孜焉不有怠也立誠之節侃侃

馬童云侃空無所屈也故處心積慮博塞之道表于朝端弼違

釋回禮記禮器篇禮釋回注沃于帝念內有敢言之

勇進當不諱之明用能直道自達而無罪悔者也公累更重任

祿秩之厚布于宗姻無一塵之士以處其子孫無一畝之官以

聚其族屬待祿而飽傭室而安終身坦蕩而細故不入其達生

知足落落如此夫其子恭父或添善行也拊循制理能政也

直廉潔靜儉德也拒疑獨斷明識也冒危以行牧園大節也犯

顏以陳訐謨至忠也有一于此尚宜旌褒矧茲備躰焉可以已

固當飾以榮號章示後來而故吏遺孤淪寓遐壤久稽彝典罪

在示屬敢用評隲隲音質敦贊遺風若乃揚孔氏褒貶之

文舉周公懲勸之法徵於誅謚則有司存謹狀

謚議貞元十五年正月日故銀青光祿大夫右散騎常

侍輕車都尉宜城縣開國伯柳公從孫將仲即守集賢

殿正字宗元謹上

尚書考功伏以魯史褒貶虞書黜陟彰善癉惡庠丁但王教之

端自周公以來謚法未改謹按抑公累歷清貫茂著名節貞亮
存誠潔廉中禮納忠為爭臣之表爭音出守乃牧人之良刺舉
必聞登清可紀冒危而大節不奪更名而純誠克彰更平声謂
冠亂改遂踐鼎司以匡王國奉上盡陪輔之志退迹有推讓之
名軍高圭璋聞望聞音治於人德所以從薦在位異於敬教聲王者
其事實繁寔善勸能固將不廢宗元既當於屬且又通家博信
克備其遺芳考行敢徵於故事謹具署其懿績布以懿詞定謚
之制謹如律令謹一本謹狀下太常博士裴堪謚議曰貞奉勅
依

唐故秘書少監陳公行狀陳宗

五代祖其陳宜都王

曾祖其皇奮稽郡司馬

祖其皇晉陵郡司功參軍

父其皇右補闕翰林學士贈秘書少監

某州某縣某鄉某里陳京年若干狀一本无

此一行

公姓陳氏自穎川來隸京兆萬年曾貴里諱京既冠字曰慶復
舉進士為太子正字咸陽尉太常博士左補闕尚書膳部考功
員外郎司封郎中給事中秘書少監自考功以來凡四命為集
賢學士德宗登遐公病痼輿戔就位備哀敬之節由是滋甚遂
以所居官致仕貞元二十一年四月二十五日終于安邑里妻

黨之室無子伯兄前監察御史璫仲兄前大理評事長以公文
行之大者告于嘗吏于公者使辭而陳之大曆中公始來京師
中書常舍人衮揚舍人炎讀其文驚以相視曰子雲之徒也常
以兄之子妻公由是名聞遊太原太原尹喜曰重客至矣授館
致餼厚以泉布獻焉公曰非是為也某嘗為北都賦未就願即
而就焉其宮室城郭之大河山之富閑閑之壯與其士疆之所
出風俗之所安王業之所由興苟得聞而觀之足矣若曰受大
利是以利來蓋異前志也吾不能敢辭遂逆大河踰北山仿佯
而歸仿佯音房羊賦成果傳天下為咸陽尉留府廷主文章決大事
得其道為博士舉疵潘云上才友切說文病也修倅典合于大中者眾焉

涇人作難公徒行以出奔問官守

手之切左傳僖公二十四年天子蒙塵于外敢不奔問官守

段忠烈之死

段秀實為朱此所害

上議罷朝七日宰相曰不可方君行宮

無以安天下公進曰是非宰相之言天子褒大節哀大臣天下
所以安也况其特異者乎上用之其勞勤侍從謀議可否時之
所賴者大巡狩告至謂還宮也一本上行罪已之道焉曰凡我

執事之臣無所任罪予惟不謹於理而有是也將復前之為相

者相去声謂盧杞

公曰天子加惠群臣而引慝焉德至厚也而為相者

復是無以大警乎後且示天下率其黨爭之上變於色在列者

咸恟而退

恟音凶憂恐也

公大呼曰趙需等勿退遂進而盡其辭焉不

果復上迎訪太后

沈太后德宗母間數歲外頗怠其禮公密疏發之天

子感悅焉初禮部試士有與親戚者則附于考功莫不陰授其
肯意而為進退者及公則不卓然有有司之道不可犯也太廟
闕東向之禮且久矣公自為博士補闕尚書即給事中凡二十
年勤以為請廢祭之不墜廢祭公之忠懇是賴故有赤紱銀魚之
報焉京獻議二十年至貞元十九年孟夏禘祭昭陵山峻而高
寢宮在其上內官懲其上下之勤輓汲之艱也童云輓武遠切
父无取切謁于上請更之上下其議宰相承而諷之召官屬使
如其請公曰斯太宗之志也其儉足以為法其嚴足以有奉吾
敢顧其私容而贊之也奏議不可上又下其議凡是公者六七
人其餘皆曰更之便上獨斷焉曰京議得矣從之在集賢奏祕

書管六員隸殿內而刊校益理納資為骨而仕者罷之膏即胥
求遺書凡增繕者乃作藝文新志制為之名曰貞元御府群書
新錄始御府有食本錢月權其贏以為膳有餘則學士與校理
官頒分之學士常受三倍由公而殺其二殺所書史之始至入
禮幣錢六十緡亦皆分焉公悉致之官以理府署作書閣廣群
官之堂不取於將作少府而用大足君門下簡武官議典禮上
以為能答器之與信臣議且致相位遇公有惑疾使視之疾甚
不能知人遂不用用鄭吏部高太常為相鄭均瑜而以祕書命
公所以示優之也公有文章若干卷深茂古老慕司馬相如揚
雄之辭而其詰訓多尚書爾雅之說紀事朴實不苟悅於人世

得以傳其藁其學自聖人之書以至百家諸子之言推黃炎之
事黃帝涉歷代洎國朝之故實洎即鈎引貫穿去聲舉大苞小若
太倉之蓄宗山之載浩浩乎不可知也豈揚子所謂仲尼駕說
者耶夫其忠烈之褒也相府之有誠也太廟之東向也昭陵之
不更其故也官守之不可奪也立言之不可誣也利之不苟就
也害之不苟去也其忠類朱雲其孝類顏考叔廉類公議休而
又文以文之學以輔之而天子以爲之知既得其道又得其時
而不爲公卿者病也故議者咸惜其始而哀其終焉公之喪凡
五十四日而夫人又沒毀也夫人之父曰偕司農繼祖曰某贈
太子太保某故集賢吏也得公之遺事於其家書而授公之友

以誌公之墓謹狀永貞元年八月五日尚書禮部員外郎柳宗
元狀

京本校正音釋唐柳先生集卷之八

京本校正音釋唐柳先生集卷之九

表銘碣誄

唐相國房公德銘之陰房官也德銘李華所撰

天子之三公稱公王者之後稱公諸侯之入為王卿士亦曰公
有土封其臣稱之曰公尊其道而師之稱曰公楚之潛凡為縣
者皆曰公為一作與古之人通謂年之長老曰公故言三公若周公

召公王者之後若宋公為王卿士若衛武公號文公鄭桓公其

臣稱之則列國皆然師之尊若太公楚之為縣者若彙公白公

為一作與兼夫涉切年之長老若毛公申公涪公張云涪音浮又房尤切漢書有申涪公涪音陪

而大臣罕能以姓配公者雖近有之然不能著也唐之大臣以

姓配公最著者曰房公房公相玄宗有勞于蜀人咸服其節相
肅宗作訓於岐人咸尊其道惟正直慈愛以成於德用是進退
所居而事理辯所去而人哀號理表人表人不勝其懷表一本
為文士趙郡李華銘公之德亂故不克立今刺史太原王涯嘉
公之道猶在乎人人不忘公之道為之刻石且曰州之南有亭
曰需宴亭公之為也人之思也乃增飾棟宇即而立焉州人大
悅咸會隕涕言曰昔公以周召之德微子之仁有土封以為卿
士道為三公德為國師年為元老嘗為縣縣懷其化至于州州
濡其澤濡音如凡公子孫罔不戴慕盛德之詞文而不刻更刺史
數十莫克興起乃卒歸於王公王公嘗以機密斥天子于禁中

承公之道

承一作承刺於我邦由公之理

由一作序

又能尊公之德

起遺文以昭前烈則其入為卿士三公也孰曰不宜吾惧其去
我也遽灑書于銘之陰用永表於邦之良政

國子司業陽城遺愛碣

四年五月皇帝以銀印赤紱即隱所起陽公為諫議大夫後七
年廷諍懇至累日不解帝尤嘉異遷為國子司業旌直優賢道

光師儒又四年九月己巳出拜道州刺史太學生魯郡李儋本

儋廬江何蕃等百六十人或云二百七十人投業奔走稽首闕下叫闕

籲天願乞復舊朝廷重更其事如己巳詔翌日會徒北嚮如初
行至延喜門公使追奪其章遮道願罷遂不果獻生徒嗷嗷顧

眇徘徊顧一本昔公之來仁風扇揚暴傲革面傲音柔輒有立

輒一作懦聽聞嘉言樂甚鐘鼓瞻仰德宇高逾嵩岱及公當職

施政示人準程良士勇善偽夫去飾墮者益勤誕者益恭沉酗

腆酒童云酗吁句切醉怒也斥逐郊遂遠親三歲罷退鄉黨令

未及下乞歸就養者二十餘人禮順克彰孝悌以興則又講貫

經籍俾達與義簡習孝秀俾極儒業冠履裳衣由公而嚴進退

揖讓由公而儀公征甚遐吾黨誰師遂相與咨度署吏布告諸

儒願立貞珉俾高狀明乃訪于學古之士紀公名字垂憲于後

公名城字亢宗家于北平隱于條山惟公端粹冲和高疑懿醇

疑魚力切道德仁明孝愛友悌薰襲里閭布聞天下守節貞固

患難不能遷其心怡性坦厚榮位不足動其神為司諫義震于

周行為司業愛加于生徒宜乎立石俾後是憲其辭曰

惟茲陽公履道葆醇爰初隱聲覆實其仁實音德充而形乃作

諫臣抗志勵義直道是陳帝求師儒貳我成均成均五帝之開

朗蒙滯宣明德教大和潛布玄機密照群生聞禮後學知孝進

退作則動言是劾匪公之軌人用矣蹈麓厲貪凌待公順之欺

偽譎詐侍公信之少年申申咸適其宜榘楚廢弛榘古雅切禮

榘也楚荆也尊嚴而威公褒其良俾升于堂癯者既肥癯音

以扑撻犯禮者非子云子夏始癯而後肥有問之者子夏曰百戰勝問曰何為

戰勝子夏曰吾入見夫子之義則榮之出見富貴又榮之二者

戰於胸臆故癯今見榮如衮衣公棄不用懲咎內訟既訟于內

猶公之誨匪仁孰親匪德孰尊今公于征孰表儒門生徒上言稽首帝闈謂天蓋高曾莫我聞青衿涕濡填街盈衢遠送于南望慕踟躕立石書德用揚懿則嗚呼斯文遺愛罔極

唐故給事中皇太子侍讀陸文通先生墓表

陸淳字元冲後避憲宗諱改賜名質門人私謚曰文通先生

孔子作春秋千五百年以名爲傳者五家今用其三焉

左氏公羊穀梁

三傳故有鄒氏夾氏凡五家

秉觚牘

觚音孤竹簡也字合作觚牘木板古者用以寫書

焦思履以爲

論注䟽說者百千人矣攻訐狠怒

訐居謁切狠下懇切

以辭氣相擊排冒

沒者其爲書處則充棟宇出則汗牛馬或合而隱或乖而顯後之學者窮老盡氣左視右顧莫得而本則專其所學以訾其所

異黨枯竹護朽骨以至於父子傷夷君臣誡悖者前世多有之

甚矣聖人之難知也有矣郡人陸先生質以其師友天水次助

次助字叔佐唐書有傳

洎趙匡

字伯厚

能知聖人之旨故春秋之言及是

而光明使庸人小童皆可積學以入聖人之道傳聖人之教是

其德豈不侈大矣哉先生字某既讀書得制作之本而獲其師

友於是合古今散同異聯之以言累之以文蓋講道者二十年

書而志之者又十餘年其事大備爲春秋集注十篇辯疑七篇

微指二篇明章大中發露公器其道以生人爲主

生一本作聖人

以堯

舜爲的苞羅旁魄

童云步角切封禪書三旁魄四塞魄字唯此音步角唐韵除四陌切外別音記注史記落

託貧无家集韵又作簿音白各切注云声也歐陽尚書火流于王屋爲揚其声魄韵中音義於此不通今依封禪書音步角切

膠轄下上

張曰膠或作膠音膠轄音葛解在第二卷

而不出於正其法以文武為首

以周公為翼揖讓升降好惡喜怒而不過乎物既成以授世之

聰明之士使陳而明之故其書出焉而先生為巨儒用是為天

子爭臣

質佐陳少游幕府少遊薦之朝授左拾遺

尚書郎國子博士給事中皇太子

侍讀皆得其道刺二州守人知仁

謂歷台信二州刺史

永貞年侍東宮言

其所學為古君臣圖以獻而道達乎上是歲嗣天子

憲宗踐祚而

理尊優師儒先生以疾聞臨問加禮某月日終于京師某月日

葬于某郡某里嗚呼先生道之存也以書不及施於政道之行

也以言不及覩其理門人世儒是以增慟將葬以先生為能文

聖人之書通于後世遂相與謚曰文通先生後若干祀有學其

書者過其墓哀其道之所由乃作石以表碣

一先碣字

唐故兵部郎中楊君墓碣

楊凝

貞元十九年正月某日守尚書兵部郎中楊君卒某月日葬于

奉先縣某原既葬其子姪洎家老謀立石以表于墓葬令曰凡

五品以上為碑龜趺踞首

踞合作螭乃知切如龍無角而黃跌音夫足也謂碑足為龜形

降五

品為碣方趺圓首

圓一作圭

其高四足按郎中品第五以其秩不克

偕降而從碣之制其世系則紀于大墓君諱凝字懋功與季弟

凌生同日不周月而孤伯兄馮翦髮為童家君于吳大夫人母

道尊愛教飭謹備君之昆弟孝敬出於其性禮範奉于其舊克

有成德輯其休光

輯音集

東薄海岱南極衡巫文學者皆知誦其

詞而以為模準進脩者率用歌其行而有所矜式君既舉進士

以校書郎為書記毗贊元侯于漢之陰式徙荊州疑大曆三年進士與元元

年樊澤節度山南東道疑掌書記貞元二年澤徙荊南節度使疑隨時于也由協律郎三轉御史元

戎出師用顯厥謀遂入王庭為起居郎書法不回著垂國典又

為尚書司封員外郎革正封邑申明嫡媵媵丁歷切事連權右

斥退勿憚直聲彰聞仍參選部仍一本作乃選去聲以馭群吏

姦臣席勢威福自己他人求附離而不可得者離音麗公則却之

私以胥吏求署一皆罷遣曰吾不以三尺法為己利害居喪致

哀內盡其志外盡其物而無有不得於心者服除為右司郎中

危言直已以致其誠然卒中於諛辭諛音賁不得朝請以檢校

吏部郎中為宣武軍節度判官毫人缺守往莅其政孤老撫安

強猶戮死豎豎境鹵童云上立交切與艾艾榛荒潘云艾與刈同作爰

田以贍人食濬決潢汙築復堤防為落渠以定水禍理不半歲

利垂千祀會朝復命次于汴郊帥喪卒亂不可以入遂西走闕

貞元十四年冬疑朝正京師十五年春還汴二月節度使董晉卒汴軍亂疑走還京師璽書迎門勞徠

其備以疾君家三年復登于朝十八年疑起家遐邇咏歌仍遇

痼疾天子致問于三月不賜告幸其愈而用之遂卒天下文行

之士為之悲哀嗚呼君有深淳之行有強毅之志內以和於親

戚正於族屬外以信於朋友施於政事故身之進退人之喜戚

繫焉凡其昆弟申明于朝制書咸曰孝友君子謂楊氏其仁義

之府君之文若干什皆可以傳於世若某者以烟舊獲愛子厚之兄陽憑不腆之文君實知之惟車馬幣玉無可以稱其德用君之所所以知者酬焉

故御史周君碣

張唐美云御史必周子諒也事見唐張九齡傳

有唐貞臣汝南周氏諱某字某以諫死葬于某貞元十二年柳宗元立碣于其墓左在天寶年有以諂諛至相位牛仙賢臣放退張九齡等公為御史抗言以白其事得死于墀下史臣書之公之死而佞者始畏公議於虐古之不得其死者眾矣若公之死志斥王國氣震姦佞動獲其所斯蓋得其死者歟公之德之才洽

於傳聞卒以不試而獨申其節猶能奮百代之上以為世執本

下什者也第令生於定哀之間則孔子不曰未見剛者出於秦楚

之後則漢祖不曰安得猛士而存不及興王之用沒不遭聖人

之歎誠立志者之所悼也故為之銘銘曰

忠為美道是履諫而死佞者止史之志石以紀為臣軌兮本

無兮字

唐故衡州刺史東平呂君誄

呂溫字化光一字和叔

維唐元和六年八月日衡州刺史東平呂君卒爰用十月二十四日藁葬于江陵之野嗚呼君有智勇孝仁惟其能可用康天

下惟其志可用經百世不克而死世亦無由知焉君由道州以
陟為衡州君之卒二州之人哭者逾月湖南人重社飲酒是月
上戍不酒去樂會哭于神所而歸余居永州在二州中間其哀
聲交于北南舟船之下上必呱呱然瓜音蓋嘗聞于古而觀于
今也官一本君之志與能不施于生人知之者又不過十人世
徒讀君之文章歌君之理行不知二者之於君其未也嗚呼君
之文章宜端於百世今其存者非君之極言也獨其詞耳君之
理行宜及於天下今其聞者非君之盡力也獨其跡耳萬不試
而一出焉猶為當世甚重若使幸得出其什二三巍然為偉人
與世無窮其可涯也君所居官為第三品宜得謚於太常余懼

州吏之述其辭也私為之誄以志其行其詞曰

麟死魯郊其靈不施濯濯夫子故繫其儀冠仁服義于櫓書詩

童云櫓音魯
防城具也

忠貞繼佩智勇承綦

音其跨騰商周堯舜是師道

不勝禍天固余欺鬼神不怒妖孽咸疑

疑一本作孽
孽魚列切何付之德而

奪其時嗚呼哀哉命姓惟呂勤唐以力輔寧萬邦受胙爾國維

師元聖

太公望

周以降德世征五侯伊祖之則嗣濟厥武前書是

式至于化光爰耀其特春秋之元儒者咸惑君達其道卓焉孔

直聖人有心由我而得敷施變化動無不克推理惟公舒文以

翼宣于事業與古同極道不苟用資仕乃揚進于禮司奮藻含

章決科聯中休問用張署讎百氏錯綜逾光超都諫列屢皂其

漢官儀匪章奏

帝殊爾能入服其智戎悔厥禍欵邊求侍盛

選邦良難乎始使君登御史贊命承事風動海儒而宣皇威以

致來總征賦甲茲即吏制用經邦時推重器諸臣之復出周禮宰夫掌

諸臣之復注復反也報周官匪易漢課戕奏鮮云能備君自他

曹載出其技筆削自任群儒董議正即司刑邦憲為貳實革為御史中

丞請溫為知雜糾佞肅和諛諛具畏一作糾欽伊遷理于道賤道州民

服休嘉恩踈若昵惕邇如遐實閉其閤而撫于家載其愉樂申

以舞歌賦無吏迫威不刑加浩然順風從令無譁繇繇外邑我

繭為軍雜耕隣邦我黍之華既字其畜亦藝其麻鼓鼓斯屏必

切人喜其多始富中教興良廢邪考績既成王用興嗟陟于嶽

濱州言進其律號呼南竭謳謠北溢欺吏悍民先聲如失連租

匿役歸誠自出兼并既息罷羸乃逸罷即疲字惟昔舉善盜奔于隣

左文十六年晉士會今我興仁化為齊人惟昔富人或賑之粟左襄二十九年子皮

繚國人粟今我厚生不竭而足邦思其弼人戴惟父善胡召災

仁胡隴咎俾民伊祐一本作怙而君不壽矯矯貪凌乃康乃茂嗚呼

哀哉廩不餘食藏無積帛內厚族姻外期賓客怕是懸磔逮茲

易簣僅無凶服葬非舊陌嗚呼哀哉君昔與余講德討儒時中

之奧希聖為徒志存致君笑詠唐虞獨茲日月以耀群愚疑生

所怪怒起特殊齒舌嗷嗷斗力切衆雷動風驅良辰不偶卒與

綱俱直道莫試嘉言罔敷佐王之器窮以郡符秩在三品宜謚

王都諸生群吏尚擁良圖故友洽懷累行陳墓是旌是告永永不渝嗚呼哀哉

唐故尚書戶部郎中魏府君墓誌

魏弘簡

魏氏世墓于某縣某原唐興有聞士諱之過者過他歷切又音狄與子及孫咸舉進士嗣為儒家綿州涪城尉諱全瑤一本作瑤魏州臨黃主簿諱欽慈太常主簿諱緄音尚書膳部員外郎兼江陵少尹諱萬成凡五代名高而不浮於行才具而不得其祿江陵府君益之以閔達之量經緯之謀故豪士賢大夫痛慕加厚生即中府君諱弘簡字曰裕之以文行知名既冠而德禮聞於鄉黨既仕而法制立於官政溫柔發乎外見而人莫不親直方存乎內

久而人莫不敬由進士策賢良連君科首授太子校書歷桂管

江西福建宣歙四府為判官副使累授協律郎大理評事三為

御史一本無三為字賜緋魚袋在州六年而人樂之廉使崔衍曰吾敢

專天下之士獨惠茲人乎遂獻于天子拜度支員外郎轉戶部

郎中邦賦克舉人望逾重年四十七貞元二十年九月三十日

不疾而歿震悼之聲遐邇一作且曰斯人也而不得為善

之利中人其怠乎君嘗三娶而卒無主婦庭無倚廬服舍也倚木為之

堂無狇孤有令兄弟以主其喪有孝女以守其祀故哭于客位

吊于殯東者咸加哀焉凡為部從事府喪而當其位者三州缺

而居其守者一本作二皆得其理君之先再世貧不得葬故以祿

仕遊於諸侯薄衣食損車馬凡十有餘祀卒獲于厥心其族屬
之無主後者皆位於墓娣姪之無歸從者咸會于家由是處約
以終其世既歛家宰它其改童曰它四婢切具也視廩唯金鍾金六斗四升鍾六斛
四視藏唯束帛無餘積焉十有一月遣車歸于洛師遺詰戰切送死者之
車洛師某日祔于墓監察御史柳宗元聞其道而翫其文也久
洛陽君又同閔音翰里門故哀而銘之其辭曰

即中之道惟直是保淳泊坦厚溫恭孝友即中之文惟孝是宣
溥暢周流炳蔚紛綸為周賢能為漢賢良始仕讎校篇籍有光
仍授使檄訐謨用揚二君即位征賦以理休聲載起顯命伊始
生而不壽孰知其止歿而不嗣孰濟其美有翩其旗爰舉裳帷

行道遲遲詢墓而歸象物是宜卜筮孔特里人作銘不愧于

唐故朝散大夫永州刺史崔公墓誌崔敏

維元和五年九月十五日壬子永州刺史崔公薨于位享年六

十八乙未殯於路寢景寅遷神于舟以某年某月日歸葬于某

縣某原祔于皇考吏部侍郎贈戶部尚書府君之墓尚書諱漪

於宜切一本文宗南巡內禪聖嗣府君以謀畫定命起一旅以

復天下厥切載焉尚書之先曰貴鄉丞贈太常少卿府君諱子

美太常之先曰揚州江都丞府君諱道禎附盈切行高位卑華冠

士族公諱某字某承世德之清源浚之以蠲絜以端其志獨居

也采群言之枝葉植之以茂實以脩其能始由右千牛備身佐

環衛更整至

音鞠

三原藍田尉仍有大故三徙同位

三徙皆尉

繼

授許州臨潁汝州龍興令推以直道二邑齊風哥舒曜尹河南

鯨寇猾驚黎人播越表公尉河南糗糧芻芻

糗去久切又丘救切熬米凌也芻乾

芻戎備畢給版圖田洫

許或切

民事時又遷揚州錄事參軍實吳

楚之大都會也政令煩拏

汝加切

貢奉叢沓一日不嘗

張云七八切常是鼻

字馬轉作音吳本楚

饒譙四至

饒傳全切譙才笑切亦作譙謫也

公為之優游

有裕長史司徒杜公

杜佑也

與之揖讓異於賓僚入為太子司議

即拜歸州刺史巖險湍悍人類為獸古號難理公克有聲遷求

州刺史朝散大夫惟是南楚風浮俗鬼戶為胥徒家有襍梗

禦害之祭

大者虐鰥孤以盜邦賦毆愚蒙以神訛言悖于政經莫有

禁禦公於是修整部更黜侵凌牟漁者數百人

年取也

以付信于

下而征貢用集擒戮妖師毀群高淫昏者千餘室

煮音薰氣也禮記云群蒿

愴滄又左傳云用諸淫昏之鬼

以舉正群枉而田間克和寬以容物直以率不

邦人方安其理搢紳猶鬱其望體魄遽降

死也祀記禮云

哀何有窮嗚

呼公前夫人徐州參軍荊陽鄭鉅女有子曰義和早夭後夫人

萬年尉范陽盧彤女嘉淑之德繼聞宗族有子曰貽誓貽俊克

承于家洎公之兄子曰勵曰禮誠願志于墓無忘公之德銘曰

孰為德門清河濬源遠哉

遠哉一作其流

世有顯懿揚其清芬煥

炳增華昭于後昆惟魴與鯉舊史是尊孰為茂功尚書清風藹

其有融勃焉而興彼草從龍布令諸夏敷和六戎赫矣太陽克

昇于中孰為惠政公嗣餘慶形于謠咏小程其功大遂其性點
更是省妖風以正于邑于邦一作施哀揚休命孰為遺愛公去
昭代邦人斯疇音每始焉是賴今也何戴孰葬我公于洛之會
何以銘之徽音不昧

故永州刺史崔君權厝誌

崔簡字子敬
子厚之姊夫

博陵崔君由進士入山南西道節度府始掌書記至府留後凡
五徙職六增官至刑部員外郎出刺連永兩州未至永而連之
人懇君御史按章具獄坐流驩州幼弟訟諸朝天子黜連帥罷
御史小吏咸死投之荒外而君不克復元和七年正月二十六

日卒孤處道消守訥奉君之喪踰海水不幸遇暴風二孤溺死
七月某日柩至于永州八月甲子藁葬于社壇之北四百步

醉切又平
上二音

崔氏世嗣文章君又益工博知古今事給數敏辨善

謀畫南敗蜀虜西遏戎師其慮皆君之自出後餌五石病瘍且

亂瘍音陽
亂瘡也

故不承于初今尚有五丈夫子夫人河東柳氏德碩

行淑先崔君十年卒其葬在長安東南少陵北君以胤沒家又
有海禍力不克祔三年將復故葬也徒志其一二大者云 為

祖華為父世文儒積彌厚簡其名子敬字年五十增以二葬湘

澁童曰音
筮水涯非其地後三年辭當備

唐故萬年令裴府君墓碣裴董

公諱瑾字封叔河東聞喜人太尉公諱行儉實高祖侍中公諱
光廷實曾祖刑部員外郎府君諱稹一本作植者非實祖大理卿府君
諱儼實父公由進士上第校書崇文館飭館事修整左春坊由
是立署局後參京兆軍事按覆校巡大尹恒得以取直為太常
主簿搜逖疑互探抉遯隱宿工老師不得伏匿皆來會堂下者
股肱後喉喙以集樂事作坐立二部伎圖卿竒其績奏超以為
承司空杜公杜黃裳聯奉崇陵豐陵禮儀德宗葬於陵順宗葬於陵再以為佐
離紛尤尤雜貌導滯塞關百執事條直顯遂司空拱手以成自開
元制禮諱去國恤章累聖陵寢皆因事肇綴取一切乃已有司
卒無所徵公乃撰二陵集禮藏之南閣轉殿中侍御史仍拜尚

書比部員外郎會校成要周禮日成月要並會計簿書暮歲畢具刺金州

高施隙張云字當作隙之逆切柳文隙字皆作隙儉韻並無去人水禍渚焚原茅闢成稻

梁陟萬年令叢劇辨肅談宴終日人視之若居冗官然會金州

猾吏來揚言恐喝以煩藝事曰不得三十萬吾能為禍公大怒

召罵之恣所為吏巧以聞御史按章具獄再謫道州循州為佐

掾會赦量移吉州長史元和十二年七月日病殆童云世卒詩廉切

世音始公以唯諾聞長安中奔人危急輕出財力如索水火性

開蕩進交大官不視齒類挾同列收下輩細大畢歡喜博奕知

聲音飲酒甚少而工於紉謫糾即謫字謠舞擊琴五各切徒擊鼓織

屑促密皆曲中節度而終身不以酒氣加人晝接人事夜讀書

考禮收摺策牘皆俱誅切拾也未嘗釋手以是重諸公間初娶范陽盧

氏無子後夫人柳氏德為九族冠生三男子喪其二焉貞元十

六年某月日卒祔于長安御宿之北原御宿地名冢子銑蘇與切冢子長子也

一本作有請子二字奉柩以明年月日克葬于墓銑以文書來柳州告其

叔舅宗元願碣于墓左則涕為之銘其辭曰

有爵其馨惟裴之卿瑾父微為大理卿世服大僚仍耀烈名封叔申之

實惟其英讎書宮闈佐職于京太常命吏以能增秩相儀考禮

大弁斯畢書韻命云率循大弁與下同鳩工展伎爰備聲律或圖或書藏之

府室史于柱下即於會司徽循以周大比是宜作牧千金金人

允懷溝防漢許墊沃卒多墊都移念切增我歲食易其芋魁游手閒民

相顧聚來徵為萬年治劇于都百務叙成談宴以娛誰恤誰恃

不忍悍吏胡巧其辭按章以遂由道斥循施施三年孟子注施二猶扁二

喜悅之兒更赦進資廬陵是遷人曰世德宜慶于延又曰良能宜力

之宣朝有大賚期賜其還一本作爰鬼神不享命隕在前長原有墓

高曾祖父淑靈是祔封叔爰歸左右惟具孤銑磨石祈辭海陬

將侯切遂升其趺于道之周

京本校正音釋唐柳先生集卷之九

京本正音釋唐柳先生集卷之十

○誌

唐故中散大夫檢校國子祭酒兼安南都護御史中丞
充安南本管經略招討處置等使上柱國武城縣開國
男食邑三百戶張公墓誌銘 并序 張舟

漢光中興馬援雄絕域之志 為伏波將軍討交趾 晉武一統陶璜布殊俗

之恩 都督交州 理隨德成功與時並今皇帝 憲宗 載新景命不冒海隅

時惟公祗復厥績交趾之理續于前人公諱某字某某郡人也

曾祖彥師朝散大夫尚書駕部郎中祖瑾懷州武德縣令考清

朝議郎試大理寺丞贈右贊善大夫咸有懿美積為餘慶公以

忠肅循其中以文術昭于外推經旨以飾吏事本法理以平入
心始命蘄州蘄春主簿句會敏給句音構會古外切厥聲顯揚仍以左
領軍衛兵曹為安南經略巡官申固扞衛有聞彰徹轉金吾衛
判官三歷御史績用弘大揚于天庭加檢校尚書禮部員外郎
換山南東道節度判官復轉郎中為安南副都護賜紫金魚袋
充經略副使遷檢校太子右庶子兼安南都護御史中丞充本
管經略招討處置等使公自為吏習於海邦凡其比較勤勞利
澤長久去之則夷獠稱亂張云獠魯皓切又西南夷名復至而寇攘順化
及受命專征得陳嘉謨警接禍本納於夷軌即軌字乃命一其貢
奉平其歛施牧人盡區慶之方制國備刑體之法道阻而通百

貨地偏而具五人儲侍委積童云侍直里切侍也羽獵賦音雅委於為切積子智切師旅

無庚癸之呼左哀十三年吳申叔儀乞糧呼曰庚繕完板幹工

切築牆板下從木控帶兼戊巳之位前漢西域志元帝置戊巳二文單

環主單都寒切虜姓可單氏後改為單氏怙力背義公於是陸

聯長轂戰車出左傳海合朦幢即蒙衝突敵之戰船再舉而克殄其其徒廓地

數圻數上声圻音所出左傳以歸于我理為蠻酋帥負險蔑德公於是申

皇威旁達明信一動而悉朝其良取州二十以彼於華風易皮

弁以冠帶化姦宄為誠敬皆用周禮率由漢儀公患浮海之役

可濟可獲而無所恃乃剡連為以闢垣途鬼工來并人力罕用

沃日之大束成通溝摩霄之阻誓為高岸童云誓他力切又文列功毀也周公有誓

氏而終古蒙利公患疆場之制一彼一此而不可常乃復銅柱

為正制鼓鑄既施精堅是立固圉之下明若白黑易野之守

易以政切平地也出周禮險逾丘陵而萬世無虞奇琛良貨琛丑林切寶也溢于王

府殊俗異類盈于黨街街名漢有優詔累旌其忠良太史嗣書

其功烈就加國子祭酒封武城男食邑三百戶凡再策勳至上

柱國三增秩至中散大夫某年月薨于位年若干天子震悼傷

辭有加明年其孤某官與宗人號奉裳帷率其家老咨于叔父

延唐令某卜宅于潭州某原葬用某月某日入謀皆從龜兆襲

吉乃刻茲石著公之闕以志于丘窆童云樞續充芳二切穿屯也出周禮以告于

幽明銘曰

周限荆衡秦開百粵交州之治炎劉是設漢武帝元鼎元年置交趾郡德大

來服道消自絕伏波南征漢威載烈漢馬宛陵北附晉政爰發

晉封陶璜宛陵侯我唐流澤光于有載皇帝中興武城授鉞肅肅武城

惟夫之哲更歷毗贊顯揚彰徹既受休命秉茲峻節度其謀猷

守以廉潔厚農薄征匪窮匪桀通商平貨有來肯悅肯即晉字踐止

跨海堅其鶴列陳兵也莊子云鶴列於麗譙之間制器足兵潰茲蟻結烏蠻屈

服文單剪滅柔遠開疆會朝天闕銅柱乃復環山以哲張云救

暹海無遘迓音午冠罔踰越琛賚之獻童云徐刃切周于躬髮不

地帝嘉成德載旌茂闕增秩策勳土封斯裂位厄元侯年虧大

蓋邦人號呼夷裔悽咽卜葬長沙連岡啓宥書銘薦辭德音罔

缺

唐故邑 經略招討等使朝散大夫持節都督邕州諸

軍事守邕州刺史兼御史中丞賜紫金魚袋李公墓

誌銘并序 李位

公諱某字其實惟文皇帝之玄孫別子曰承乾別筆列切為皇太子

以藩愛逼奪危慄致禍後封恒山為愍王贈荊州大都督繼別

曰象蘄春郡太守贈越州大都督鄒國公太宗曰玼虛云蒲獨

夏書太子詹事贈祕書監生虞真翼二音尚書左丞凡四代有土田

居貴仕公丕承之以率南服克荷天休繼有功德公始以通經

入崇文館登有司第選同州參軍入佐金吾衛右金吾大將軍

其進太僕主簿參引大駕府移為左右神策行營兵馬節度以

為推官貞元元年范希朝為左右神策京西諸城鎮拜監察御

史賜緋魚袋凡二使其率皆范司空希朝率所類切進殿中侍

御史湖南都團練判官以寬通簡大輔治得中道府遷主後事

師人愛慕欲以貞元故事為請公恐懼抑留復從浙東為都團

練副使轉侍御史又從浙西如其職加著作即凡三使其率皆

薛大夫萃刺岳信二州得劉向祕書以能卒化黃白日召徒試

術為伏家上變就鞫無事勅答殺告者猶降建州司馬陟刺泉

州會為猗夷刺殺郡吏童云猗字諸韵无疑是信牛佳魚巾二

即黃洞蛮也歐縛農民詔以公都督邕州兼御史中丞賜紫金

魚袋為經略招討使既至則鞞弓橐甲

鞞與同他刀切弓衣也橐音記囊也

去

斥候禁部內無敢以賊名使得自澣濯諸酋長咸頓首送款故

虜獲輸稅奉貢願比內郡人遣子吏都督所言為吏於都督之所人復耕

稼無有威刑居五月頃有黑螭鼓江流壞北岸直城南門覆船

殺人然後去父老泣曰吾公其殆矣嘗合汞童云汞亦作頤流切貢切水銀也

黃丹砂為紫丹能入火不動以為神服之且十年然卒以是病

暴下赤黑數日薨實元和十三年六月十五日年五十七僚宰

尤事有緹五兩童云緹音題又他禮切赤色帛兩音量力讓切無金銀泉具幾不克飲

夷人號呼致幣歸以明年月日葬附其穆長安西南高陽原上

夫人陳氏先公十五年沒父曇亦都督巴州終孤孟輿愿且文

亞曰仲權次曰季謀年自九歲以下有兩壻博陵崔行儉勁峭

有立志榮陽鄭師貞敏捷能群皆聞名銘曰

文濬維祥文皇帝即太宗實曰實迺家諱不嗣太子承乾宗以支傳郇公克

庸詹事繼賢湜湜左丞湜視力切惟道之宣公寬且惠以教則順五

叅戎政二佩郡印師歡民愛克懷以信設辭告訕一作訕卒曰其

訊焉猗猖狂盜海剽山帝命平南逖彼群蠻虎龍煌煌英蕩是

將舟之金玉以為公服公既蒞止告以文理推義赴仁弑弓服

矢闕是垣壘完其父子復我邦賦弛予卒士貌不功矜情不伐

喜蠻人涕懷投刃以俟方底成績蟲孽告妖悍石構災升屋而

號平声招魂也出禮記禮運篇椎髮卉裳推音進髮音介請髻如椎也并詡里切蕉葛之服並南蛮之飾來

賻來觀膺膺鱗原祔之顯魂松栢芊芊音千封域安安代有高墳

堯文之孫

唐故邕管招討副使試大理寺直兼貴州刺史鄧君墓

誌銘并序

君諱某字某南陽人漢司徒禹之世也曾祖倚皇連州普城令
祖少立皇滄州司馬考邕皇左武衛兵曹參軍惟君敏給以御
下廉忠以承上幹蠱之稱治於諸侯信謹之跡彰于所莅故自
始仕以至沒世未嘗無聞焉初以試太常寺奉禮郎更職於劔
南湖南江西前後連帥咸器其能以柄於事於劔南佐節度則
亭擬閱實以循官刑盡哀敬之情致淑問文頌寬猛之適克合

于中於湖南佐觀察則外按屬城內專平準莅邕人錫石之地

童云邕音曠古孟切周禮有邕人參鳧氏鼓鑄之功溢山告祥國用益贍吏無

並緣以巧法並蒲浪切人無怨讟以苦役童讟音讀凡處斯職莫能

加焉於江西佐楊則旁緝傳置傳株恋切驛也下繩支郡俾無有異政

以一於詔條財賦之重待君而理無何邕州經略使路公怒奏

署試大理評事兼貴州刺史參帷慕之任董龜虎之威龜印夷虎府

俗敬愛革面受事朝廷將以武定南服命安南大校御史中丞

趙良金為邕州復以君廉招討判官錄其異能奏加司直昇招

討副使兼統橫廉貴三州事危茸之下危莫江切茸如容切亂貌直道有立

獲悍之內橫古猛切義威必行賦增而不擾法一而無憾然以

憂慄間於多虞間音閑出左卒成耳目之塞道致齒牙之猾國

語齒牙為猾謂元和五年五月二十一日疾卒於公館年五十口之為害

五明年某月日返葬於潭州某原夫人隴西李氏大理評事練

之女年二十三貞元十六年終於郴州有子四人曰贊曰某贊

十三年矣哀禮其焉京兆尹弘農公京兆尹楊始由湖南為江

西再以君為從事知之最厚痛君之能不施於劇任惜君之志

見盈於群疑且以誌授宗元使備其闕古者觀其所使而知在

上之德今也觀其所使一本而知在下之誠嗚呼可無辭乎銘

曰

曼姓之裔春秋鄧國曼姓司徒修漢漢鄧禹惟君是承有植其幹

始為秦常出參藩翰議讞西蜀張云讞語蹇魚戰魚平其狴犴

童云陞岸二音巡視南楚總茲條貫遷化居貨殖攸贊改煎

鎔範貢輸增弄既飭財賦亦專傳館傳直去牧荒陬將侯切隅

州刺肅其聽斷斂敷以息斂敷即暴矣斯道行非選事進不避

難始賴其寧終間見憚疾與憂積志隨魄散年極中身葬茲高

岸才耶命耶君子興歎

呂侍御恭墓銘呂温之弟

呂氏世居河東至延之始大以御史大夫為浙東道節度使便

延之生渭為中書舍人尚書禮部侍郎刺湖南七州生四子温

恭儉讓以温為尚書郎再贈至右僕射恭字敬叔他名曰宗禮

或以為字實惟呂氏宗子尚氣節有勇略不事小謹讀代橫書

從子理陰符握機孫子之術周書陰符九篇握機亦曰我師尚

父胃也尚父呂望大父洎先人咸統方岳今天下將理平蔡充冀幽

洎戎猶負命蚤夜呼憤以為宜得任爪牙畢力通天子命作文

章咸道其志云又曰由吾兄而上三世世為進士吾為文不墜

教戒獨武事未克續厥緒因棄去從山南西道節度府佐節度

掌書記預謀畫不其合以試守軍衛佐加協律郎入薦為長安

主簿復出以監察御史叅江南西道都團練軍事佐常府表進

殿中侍御史為桂管都防禦副使元和八年去桂州相國尚書

鄭公避留鄭假嶺南道節度判官至廣州病瘖瘖童云皆音加

音滯六月二十八日卒妻裴氏戶部尚書忌齡女有丈夫子三

人曰爽曰瓌曰特女子三人曰環曰鸞曰倩皆幼行於道而倩

又死遂以柩如洛陽祔葬於大墓欵志呂氏世仕至大官皆有

道宜興於世温洎恭名為豪傑知者以為是必立王功活生人

不幸温刺衡州年四十卒恭未及理人年三十七又卒世固有

其具而不及其用若温恭者耶恭貌奇壯有大志信善容物宜

壽考碩夫而又不克呂氏之道惡乎與銘曰

洎之風乎不可追風音馮美哉洎也乎見左傳襄有志

之大乎今安歸呂君去我死乎吾誰依

唐故嶺南經略副使御史馬君墓誌

元和九年月日扶風馬君卒命于守龜附于先君食龜皮墨也尚書云惟

洛卜葬明年某月庚寅亦食其孤使來以狀謁銘宗元刪取其

辭曰君凡受署往來桂州嶺南江西荆南道未詳一作事皆大時凡命

官更佐軍衛錄王府事番禹令番禺音潘愚南海郡縣名江陵戶曹錄府

事監察御史皆為顯官凡佐治由巡官判官至押番舶使經略

副使皆所謂右職凡所嚴事御史中丞良未詳杜司徒佑杜嗣曹

王阜李阜尚書曹戴尚書伯儀張伯儀尚書昌趙昌皆賢有勞諸侯其

善事凡管領南五府儲峙嶺南五府嶺南安南桂管容出卒致

穀以謀叶平哥舒晃大曆八年循州刺史哥舒晃反十假守州

邑謂為番禹令民以便安殄火訛殺吏威殺去海鹽增筭邦賦大減

所至皆用是理年七十不肯仕曰吾為吏逾四十年卒不見大

者今年志慮耗志一本作至終不能以筋力為人羸縮因罷休

以經書教子弟不問外事加七年卒君始以長者重許與聞凡

交大官皆見禮司徒佑嘗以國事徵顧謂君曰願以老母為累

受託奉視優崇至忘其子之去君諱某字某曾祖某某官祖某

某官父某某官嗣子隴西李氏出曰徵由進士為右衛曹曹阜

後次四子皆京兆常氏出曰傲曰敏曰庭女一人嫁柳氏

婿曰宗一其銘曰

不懈于位不替于謀慮寢以平役口候切一本作假撫民以蘇僭火不孽

悍吏不牟惟寶于盜亦羸其籌公以忠施私以義躋既至于年

乃靜于懷衣柔膳甘子侍孫侍一作觀經考古教導斯齊克壽
克樂嗚呼終哉于陰之原爰位其墓千萬子孫來拜來附

唐故安州刺史兼侍御史貶柳州司馬孟公墓誌銘孟常

謙

孟氏之孤曰遵慶奉其父命書几篇為善狀一篇來告曰月日

君薨月日將葬于某月日一本敢請刻辭嗚呼公自假左貢吾

大夫栢王司馬太常少卿為義成軍中軍兵馬使其師魏國公

耽為宰相賈命公左領軍衛將軍事德宗順宗今上立朝九年

加朝議大夫居喪會用兵于趙起復居故官為左神策行營先

鋒兵馬使知牙而趙兵罷不受祿去金革服喪終期命安州刺

史仍加侍御史安州防遏兵馬使貶柳州司馬公嘗佐魏公平

襄陽靖梁州立義成軍魏公弘大恢奇公能以任軍政是以又

為衛將軍虔恭潔廉動得禮節伐趙之役堅立保壘誓死麾下

法制明具權力無能移進不避患退不敗禮安州迫寇攘近淮

元濟境多戎事政出一切吏以文持之故貶明年用兵于蔡朝廷

諸公洎外諸侯咸以公為請未及徵氣乘肺溢為水浮膚而卒

年六十惟公志專于中貌嚴于外嘗立廷中毅然望之若圖形

刻像聞國難輒不寢食謀度憤吒陟駕切以故病不可治曾祖某

官諱某祖某官諱某父某官諱某公之諱曰常謙子遵慶弟曰

某銘曰

魯仲孫氏其世為孟賁勇光武

賁音奔古勇士

軻儒紹聖公傳師法以

訓我政執稽以庸咸致厥命濟于朝冕服以光墨非從利起

飛墨

終役復喪忠孝孔明君子攸彰昔者雲中六級下吏遠魏

尚

公刺于安法亦可議黜伏南荒豪士歎歎音希又音戲聞難以激去

食廢寐神乖氣離支膈莫遂廷臣進言侯伯拜章帝命將施俄

仆于京代山丸植柏與松其名惟何忠孝孟公

故連州負外司馬凌君權厝誌

凌準

年月日尚書都官負外郎和州刺史連州司馬富春凌君諱準

卒于桂陽佛寺先是六月告于州刺史博陵崔君曰余嘗學黃

帝書切脉視病今余肝伏以瀉張云音色脉不骨也賢淳以代將不臘而

死實矣凡余之學孔氏為忠孝禮信而事固大謬卒不能有不

乎世者命也示又作亡臣道無以明乎國子道元以成乎家下之得

罪于人以謫徒醜地上之得罰于天以降彼罪疾余無以禦也

敢以鬼事為累又告為老氏者某曰余生於辰今而寓乎戌辰

戌衝也吾命與脉叶其死矣乎吾罪大懼不克歸柩於吾鄉是

州之南有大岡不食禮記檀弓上擇不食之地而葬國謂不耕墾吾甚樂焉子其以

是葬吾及是咸如其言云孤夷仲求仲以其先人之善余也勤

以誌為請嗚呼君字宗一以孝悌聞于其鄉杭州刺史常召君

以訓于下讀書為文章著漢後春秋二十餘萬言又著六經解

圍又文集未就有謀略尚氣節賙人之急出貨力猶棄糶糶張

批音七粹旁年二十以書早丞相丞相以聞試其文日萬年擢

為宗文館校書郎又以金吾兵曹為邠寧節度掌書記涇之亂

一本涇上有泚字建中四以謀畫佐元戎左節度使遊常有六

功累加大理評事御史賜緋魚袋換節度判官轉殿中侍御史

府喪邠寧節度罷職後遷侍御史為浙東廉使判官佐觀察撫

循罷人罷音按驗汙吏吏人敬愛厥績以懋粹然而光聲聞于

上召以為翰林學士德宗崩邇臣議秘三日乃下遺詔君獨抗

危詞以語同列王伾畫其不可者十六七乃以旦日發喪六師

萬姓安其分遂入為尚書一本下仍以文章侍從由本官參度

支調發出納姦利表止利一本以連累出和州降連州居母喪

不得歸而二弟繼死不食哭泣遂喪其明以沒蓋君之行事如

此其報應如此夫人高氏在越孤四人南仲殷仲在夫人所未

至執友河東柳宗元哀君有道而不明白於天下離敗逢尤天

其生且又同過謂同故哭以為志其辭哀馬銘曰

噫凌君生不淑學孔氏揚芬郁好謀謨富天祿雖禁書贊推轂

觀靈龜獲貞卜徙東越翊明牧罷人蘇汚吏覆升侍從躬啟沃

拜危疑興大福吏尚書徒隸肅佐經邦財用足道之蹟

則辱為江垂和九疑麓州連州仍禍凶邁茲酷能知命所怨毒罪

不泯死猶慘音何以葬南嶺曲魂有靈故鄉復封茲壤歸骨肉

為之銘志陵谷

故嶺南鹽鐵院李侍御墓誌

天寶中詔李氏由涼武昭王以下唐高祖王世祖諸書皆得籍宗正故沂

州刺史福以姑臧人附屬於寧岐為族曾祖生樂壽令昱昱生

魏州司馬叶世以儒聞叶生監察御史澣字濯纓明兩經仕歷

求與臨晉尉會天子方事誅伐南平蔡平吳元濟北復趙王承宗納

復一本吐蕃西走戎伐李師道五年間兵征卒戍糴行千里

凡進用唯財賦為難君以試大理評事佐荆南兩稅使督天下

諸侯之半調食饒給車繫舟連一作車擊舟連又守湘南鹽鐵轉運院

相一本以能遷官移嶺南益積功勞以介厲敦勤為率一無群

吏先年五十三元和十三年月日卒妻廬江何氏凡五世世鄭

出父曰士鏐一作李父曰士幹有大名君之子二人曰夔曰導

女一人曰某夔導皆幼不能事何夫人哭且戒柩行萬里人咸

觀其禮焉葬伊闕用明年某月日甲子銘曰

涼為帝基克顧厥胤皇弘國謀四邑顯進沂以厲尊世仕倚儒

憲七濯纓亦用學徒既毅既官式懋爾勞四方用師卒食之饒

致其廉介率是諸侯于荆于交關石是鈞邦有休功一吏之勤

冀施于大以盡其有執司壽夭君不克久吉日來銜伊闕之墓

子嗣孫永有達宜與銘詔于神永來是徵

京本校正音釋唐柳先生集卷之十終

京本校正音釋唐柳先生集卷之十一

○誌碣誄

故試大理評事裴君墓誌

裴氏之昭

音韶

曰贈戶部尚書諱某

裴守真

穆曰起居郎諱某

裴僑鄉

生均州刺史諱某

裴叔猷

均州與其弟大理

裴伯言

更為刑部郎用

文史名於朝善杜禮書長子曰某射進士策不中去過汴韓司

徒弘

即弘字

迎取為從事以聞拜太子通事舍人進大理評事當

伐蔡及鄆

音運蔡謂吳元齊鄆謂李師道

汴常為軍首贊佐有勞既事將侍太

夫人于京師道發疽

子余切

元和十四年月日終於河南敦厚里

年若干字曰某弟某以其喪歸葬于某縣某里未果娶有男子

二人女一人男之長曰某通兩經始杖且廬銘曰

世守不遷秀于士鄉不利有司爰客于梁二委其躬乃相戎政

宮臣理屬宮臣太子舍人仍受國命南蔡北曹李師道有鄆曹

五載首兵柔剛輔理平視太平馬牛既寧告養于京漢等十一州

棧仕我來周道載飢載勞神奪其孝形經于洛魂其馬如廢終

諫切爾誠陰侍里閭膳飲不違有弟之恭既安且盈厥志斯從銘之

故人以慰爾衷

故大理評事柳君墓誌 柳寬

晉之亂柳氏始分晉侍中柳景猷長子耆為汝曰耆為汝南守

居河東又五世曰慶相魏二相之嗣曰旦仕隋為黃門侍郎其

小宗曰楷柳日長子則次子楷至于唐刺濟房蘭那四州楷生

夏縣令府君諱繹二生司議郎府君諱遺愛皆葬長安少陵原

遺愛生御史府君諱開葬南陽其嗣曰寬字存諒讀其世書揚

于文辭南方之人多諷其什頌學禮而善為容前漢儒林傳修

吏事始仕家令主簿進左驍衛兵曹試大理寺卿為嶺南節度

推官荆南永安軍判官府罷為游士出桂陛下廣州中厲氣嘔

世卒於公館元和六年八月七日也年四十七前娶琅邪王拱

子拱國子祭酒後娶河東裴陵子陵告成令裴氏之出曰裴七

君之從弟以君之喪歸過零陵哭且告于宗元曰吾伯兄從事

嶺南其地多化負其民輕亂能以簡惠和柔斥弼所奉假守支郡

海隅以寧鬪狠仇然敦諭克順從公于荆綏戎永安仍專郡治
政用休阜是時蜀寇始滅誅劉邦人瘡痍懷君之澤咸忘其痛
其理也惠而不施之於大其行也和而不至于年其言也文而
不顯其聲今將以某月日祔葬苟又不得令辭而誌焉是無以
蓋前人之大痛敢固以請嗚呼余懼辭之不令以為神羞余曷
敢不諾銘曰

柳族之分在北為高充于史氏世相重侯中書之世寔曰蘭州
夏縣政良司議德優營二御史乃佐元侯惟君是嗣其政克修
儲闡補吏環衛分曹南越之庵從事以寧永安披攘荐仍于兵
是董是經既柔且平浩二呻呼華為和聲胡不使壽而奪之

柩于海壖

而

壙于鄧邦

廣苦謗切鄧州南陽厥弟孔哀惟行之恭

小子縑而不廬瓜音孤縑音崔廬倚庐充充令妻髮首而居張云髮側瓜切禮記曰男

子免而婦人髮以麻約髻也

鳥獸號鳴助我跼蹐刻此悲辭藏之奧隅

故秘書郎姜君墓誌

姜寧

秘書郎姜寧

童云音諤崔也或作寧

字某開元皇帝外孫也始楚國公皎

與上游益貴幸子慶初得尚某公主生寧二生三日上曰他物
無以餉吾孫郎勅有司以第六品告與緋衣銀魚得通籍出入
凡名是官七十其年終不徙然其問在蜀漢荆楚以大諸侯命
守州邑輒以勞稱時缺則復命好游嗜音以生貴富畜效能傳
宮中聲賢豪大夫多與連歡後加老風病手足奇音奇右可用不

能就官士有載酒來則出效搏髀童云音陸股也笑戲觀者尚識承平
王孫故態元和十四年月日終桂州都督御史中丞裴公曰噫
帝戚也葬不可以廉為具物祭以豚酒月日葬州東南一里子
某年若干母曰雷姬銘曰

始賤終貴於世為遂幼榮老窮在物為凶均之得喪誰缺誰豐
若君者銀朱於始生鐘鼎以及壯不嬰二於進取縛切不施施
於驕伉左絃右壺樂以自放雖老而客死未嘗戚乎已與夫拳
拳恐悸其季切心動也蒙誦負義得之拘拘榮不蓋愧以終其身而不
能止者不猶優乎

亡友故秘書省校書郎獨孤君墓碣獨孤申叔

嗚呼有唐仁人獨孤君之墓附于其父太子舍人諱助之墓之
後自其祖贈太子少保諱問俗而上其墓皆在灞水之左今王
父營陵於其側故再世在此嗚呼獨孤君之道和而純其用端
而明內之為孝外之為仁默而智言而信其窮也不憂其樂也
不淫讀書推孔子之道必求諸其中其為文深而厚尤慕古雅
善賦頌其要咸歸于道昔孔子之世有顏回者能得於孔子後
之仰其賢者譬之如日月而莫有議者焉嗚呼獨孤君之明且
仁如遭孔子是有兩顏氏也今之世有知其然者其信於天下
乎一本作今之世有知其然者使夫人也夫而不嗣世之惑者
猶曰尚有天道噫乎其邪噫一本作嘻君諱申叔字子重年二十二

舉進士又二年用轉學宏詞為校書郎又三年居父喪未縛而

沒禮記注練小祥也蓋貞元十八年四月五日也是年七月十日而葬

鄉曰某鄉原曰其原嗚呼君短命行道之日未久故其道信於

其交而未信於天下今記其知君者于墓韓泰安平南陽人李

行謀元固其弟行敏中明趙郡贊皇人柳宗元河東解人崔廣

略清河人韓愈退之昌黎人王涯廣津太原人呂溫叔東平

人崔群敦詩清河人劉禹錫夢得中山人李景儉致用隴西人

嚴休復玄錫馮翊人帝詞致用京兆杜陵人

故襄陽丞趙君墓誌趙公矜

貞元十八年月日天水趙公矜年四十二客死于柳州官為歛

葬于城北之野元和十三年孤來章始壯自襄州徒行求其葬

不得徵書而名其人皆死無能知者來章日哭于野凡十九日

唯人事之窮則度於卜筮五月甲辰卜秦誦童云直廉切言利美也又人名見廣

約兆之曰金食其墨而火以貴其墓直丑在道之右南有貴神

冢土是守乙巳于野宜遇西人深目而髯如占切其得實因七

日發之乃覲其神明日來諸野有叟荷杖而東者問之曰是故

趙丞兒耶吾為曹信信一本是迹吾墓噫今則夷矣直社之比

百舉武武步吾為子絕焉張云絕祖悅切東辛亥啓土有木

焉發之緋衣緞衾童云緞將侯切青赤色凡自家之物皆在州之人皆為

出涕誠來章之孝神付是叟以與龜偶不然其恟焉如此哉六

月某日就道月日葬于汝州龍城縣期城之原夫人河南源氏
先沒而祔之矜之父曰漸南鄭尉祖曰倩之鄆州司馬曾祖曰
安弘字金紫光祿大夫國子祭酒始矜由明經為舞陽主簿
祭帥反吳少誠反犯難來歸擢授襄城主簿賜緋魚袋後為襄陽丞
其墓自曾祖以下皆族以位特宗元刺柳用相其事哀而旌之
以銘銘曰

訓也挈之信也絕之有朱其絞神具列之懇懇來章神實恫汝

童云恫音通痛也錫之老叟告以兆語靈其鼓舞從而父祖孝斯有終

宜福是與百越秦秦羈鬼相望音忘羈鬼謂羈旅而亡者有子而孝獨歸故

鄉涕盈其銘旌尔勿忘晏元獻本

故温縣主簿韓公墓誌 韓慎

有唐故温縣主簿韓慎字其漢弓高侯其先也前漢韓王信子名類當先帝封

為弓高侯徙于南陽傳世至今唐侍中諱瑛克用貞亮奮于國難侍

中兄子郢州刺史諱某某生御史著作郎諱某某生尚書庫部

郎中萬州刺史諱某嗣以文行大其家業君萬州長子也以父

任為建陵稅郎累調授王府參軍襄州襄陽尉至于是邑貞元

十六年又調于天官署河陽丞未拜十有一日暴病卒于長安

崇里先人之廬又十有一日龜策襲吉祔于咸陽洪瀆原先

人之墓禮也先三日外姻家老謀為之志季第泰哀不能文故

託于友焉嗚呼生也以其弟之恭知君之為友沒也以其弟之

感知君之為愛惟友愛出于孝移于忠施於人事無住不達余
故得受其辭書于石曰

公而愛而忠孝宜之貌稱其行行稱其詞賤而不壽為善是悼
紉于祖考初筮攸告季也之純真哀無垠終窶且貧窶邵切控于
仁人備物稱家其儀式陳爰相其悲載刻茲珉

東明張先生墓誌 張因

東明先生張氏曰因嘗有以文薦於天子天子策試甚高以為
長安尉一年投去印綬願為黃老術詔許之居東明觀三十餘
年受畢法道行峻異得衆真秘書訣錄聚經籍圖史伴於麟閣
以第四降秩封州先生曰吾老矣支體不可解也遂從以去明

年回之子薨死哭之慟遂病既亟以命回曰吾生天寶訖貞元
乙酉歲十月今死于汝之手盈吾志矣京師吾生也畢原先人
之歸也必以返葬乃自為誌而卒明年正月某日葬如其言第
子某等為碑以誌于墓辭曰

匪祿而康匪爵而榮漠焉以虛充焉以盈言而不為華光而不
為名介潔而周流苞涵而清寧幽觀其形與化相真相一本寂

寞以成其道是以勿嬰世皆狂狂奔利死名我獨浩浩端一以
生或曰先生友弟以道慈幼以死若不能忘情者何耶吾曰道

云友耶去慈耶從容以求其得之耶盪莽狼悻童云下頁切恨也道之
非耶且夫虧恩壤禮枯槁顛顛童云音隨聖圖壽離中就異歎

然與神鬼為偶

張云歛許切呼臭二切

頑然以木石為類空侗而不實窮

老而無死先生之道固知異夫如此也乃書于石以紀

虞鳴鶴誄

并序

維某年月日前進士虞九臯字鳴鶴終于長安親仁里既克葬于高陽原二三友生皆至于墓哀其行之不昭于世追列遺懿求諸后土申薦加名寔曰恭甫乃作誄曰

吳虞之分爰宅上陽其後優游在越為鄉

虞氏世為會稽人

迄詡輔漢

恢定封疆東徙之賢時惟仲翔

虞翻字仲翔

曰預曰喜在晉克彰義

篤斯文有苾其芳秘書多能垂耀于唐

虞世南為秘書少監

泊于漢陽世

德以昌

漢陽沔州父當沔州刺史

毗贊尚父

上吉尚父郭子儀也虞當為子儀從事

休微用湯

惟我先君子

子厚父鎮為子儀記室

並時翱翔治主記室蔚其耀光實契伯

仲求求不忘漢陽元子寔紹其美傳襲儒風彪炳文史克恭以

孝惟禮是履譽洽于鄉論為秀士百郡之選叢于京師昧沒騰

藉乘凌蔽欺生之始至則奮其儀退默以謙

默一本作然

人悅而隨

名卿是挈先進咸推方出群類振耀于時禍丁舅氏漂淪海沂

捧訃號呼匍匐增悲喪有幼主禮或多遺孰徇于名而不是思

投袂就道乘艱若夷竭誠喪具申敬裳帷萬里來復祗紉于墓

遷不陵節儉而有度由其温恭守以貞固行道咨嗟觀禮與慕

後從鄉賦煥發其華克不再舉聞于邦家倚閭千里歡咏斯多

姻族盈門載笑且歌君之不淑名立志沮慶歸其鄉身終逆旅

生死已閒壽觴方舉賀書在途委骨歸土哀歡易地吊慶交尸

神胡不仁降此大苦嗚呼哀哉惟昔夏首柳鎮為岳鄂都傳練判官震當刺沔州

通家修好講道為鄰既冠于陳貫與外同總角也穀梁云子生羈貫成童

思致其身升于司徒及爾繼年交歡二紀莫間斯言愉乎其和

確爾其堅更為砥礪咸去常攷西門豹性剛急常佩常以自緩董安于性寬緩常佩弦以自急

今則遽曰吾其缺然嗚呼哀哉誅行謀謚惟古之道生而無位

沒有其號惟是交生徘徊顧悼爰用壹惠記表記先王謚以尊名節以壹惠注声譽

是旌嗚呼恭甫欽此嘉名雖多以其有一大善者為謚耳

故處士裴君墓誌

河東聞喜裴君聞喜縣名屬絳州諱某字某好學未仕年若干元和十

四年月日終於京兆渭南壑永與切田庶君之弟中丞公督桂州行

立命其僚柳宗元以銘君之出河間邢群以來告曰曾祖諱某

真裴伯寧州刺史贈戶部尚書祖諱某裴橋起居郎父諱某裴伯

尚書邢部負外郎議官及浮圖事獨出載在史冊以八使行天

下當河北道疑危頑很難處之地分扶問切一本无分字用天子命制

斷得宜於是為第一天下皆仰以為相會疾終再贈至大理卿

長老咸曰裴氏世積德起居丞相弟也丞相裴橋卿以文史用大理

名世人也咸聞而不大君以友悌慤植承其休光幽而不揚豈

天鐘美於中丞鍾聚也左傳昭公二十八年而天鍾美於是嗇而不克並耶不然君

無位以天其可問哉君前娶常氏成都少尹士謨女生二子字
曰某名曰某以文敏中丞公尤愛幸恒從不幸卒於桂林某舉
明經後娶於薛氏無子父案位卑是年月日葬渭南某里遷常
夫人之喪常一本自萬年來有俟猶異室詩大銘曰
疇之沃沃宜其嘉穀有耕有耨同施異祿明昭次穆昭音丞相
之族尚書之孫大理之門有慶實延宜碩而繁不位不年昨于
丘園懿二大理惟德之元權佞抑釋大史是論大郎黜陟異幽
邦命以尊神帝豐福不弃于君渭之洋洋爰墓其南孝思是懷
祖考之依郡人作銘惟相其哀一作不并于君

覃季子墓銘

覃季子其人生愛書貧甚充介特不苟受施施智切讀經傳言其
說數家推太史公班固書下到今橫豎鈎貫又且數十家通為
書號覃子史纂又取鬻老管莊子思晏孟下到今其術自儒墨
名法至於狗彘草木凡有益於世者為子纂又百有若干家篤
於聞不以仕為事黜陟使取其書以氏名聞除太子校書某年
月日死永州祁陽縣某鄉將死歎曰寧有聞而窮乎將無聞而
豐乎寧介而躋乎躋音致將溷而遂乎溷胡切葬其鄉所死後若
千年柳先生來永州戚其文不大於世求其墓以石銘銘曰
困其獨豐其厚

續榮澤尉周君墓誌

前誌贈太傅
崔公祐甫辭

大傅公既志榮澤君之葬明年為中書侍郎同中書門下平章

事以卒一云卒贈太傅无以字榮澤君之嗣曰膺備物具貨入于汴汴陷

于戎李希烈陷汴州喪焉不果行會世難不幸膺亦死膺之弟亞也曰太

素仕至雲陽令求其志將行謫南海上元和九年移信州中本

無州字一猶有累不克如其鄉大懼緩慢茲久哭命其子某以

某月日啓君之喪至于某葬用某月甲子志用大傅公之辭又

命河東柳某書緩故且志終事之年月日

京本校正音釋唐柳先生集卷之十一終

